





傳友德

傳友德者宿州人也從居穎川陽山卒元末從

李喜之起兵山東轉攻剽入蜀喜之敗歸明王

琮玉琮不能用乃率所部走武昌從陳友諒辛

丑上攻江州至小孤友德率衆降上才之

使將兵從常遇春攻廬州友諒圍洪都從上

親征大戰彭蠡友德以樓船犯其前鋒身被數

創戰益加殺數百人復與諸將邀擊禁江口友

諒死復從上親征武昌督兵攻城城東南有

山名高冠下瞰城中上問諸將誰能奪此山

皇朝劉氏嘉

國朝

Small square seal impression at the bottom right.

友德即率萬人先登一鼓奪之矢中面及脇下
鏃出腦後不顧武昌平以功擢雄武衛指揮使
與徐達攻拔廬州取夷陵衡州襄陽攻安陸身
被九創禽其守將任亮取淮東泰州進攻淮安
破張軍于馬螺港獲戰船千餘大破竹貞兵于
安豐所過焚元軍積聚吳元年守徐州王保保
遣驍將李二來寇伺其出掠乃將步騎二千沂
呂梁捨舟登陸擊之賊將韓乙迎戰友德躍馬
奮槊刺乙墜馬賊敗走友德度李貳必益兵來
聞趨還城開門出兵陣于城下令士卒皆卧鎗

以待聞鼓聲即起擊有頃李貳果至友德鳴鼓
士皆奮起疾鬪賊大敗生禽李貳獻俘京師
上勞賞之命以鼓吹送還第拜江淮行省參政
大將軍徐達等北征中原上諭之曰征伐所
以奉天命平禍亂安生民故命將出師必在得
人參政傅友德勇略冠諸軍可領一軍使獨當
一面復諭友德曰此行當努力昔漢高祖與項
羽爭衡彭越宣力於山東今用師自山東始汝
其勉之進攻沂州斬王宣下青州敗元將也速
兵取萊陽洪武元年取東昌棣州樂安攻克汴

梁河南洛陽及諸山寨關陝平 上命取元都
友德引兵渡河取衛輝彰德遂下廣平克臨清
德州滄州通州進克元都復將兵偵邏古北諸
隘口追元殘兵獲馬一千六百匹牛羊八千餘
頭車二百五十兩略大同而還徇下保定中山
真定略平定州遂克太原初擴廓帖木兒自太
原出鴈門將由居庸以攻北平友德同大將軍
等乘虛徑擣太原擴廓至保安州聞之還師來
援其鋒甚銳兵交萬騎突至友德帥敢死士五
十騎擊却之因夜伏兵襲其營擴廓方明燭坐

帳中聞變擾亂亟納靴蹠一足踰帳後出乘馬
遁去友德追至土門關不及而還獲甲士四萬
馬稱是敗元將賀景哲於石州擊走四大王及
竹貞兵敗脫列伯于宣府同大將軍取陝西下
鳳州鞏昌臨洮攻克慶陽陝西悉平大賞諸將
賜友德白金文綺三年復命友德同大將軍等
出潼關以擣定西敗王保保兵保保北遁乘勝
取蜀友德為前鋒出秦州奪略陽關禽偽夏平
章蔡琳遂入沔州分兵由鳳翔入連雲棧合攻
漢中克之尋以饋運不繼還軍西安夏將吳友

仁寇漢中守將金興旺遣人求救友德率精銳三千攻斗山寨下令人持十炬燃于山上友仁軍望見列炬起大驚夜遁去大封功臣封穎川侯是年冬命將分道伐蜀湯和廖永忠等由瞿塘趨重慶拜友德為征虜前將軍由秦隴趨成都上密諭友德曰蜀人聞吾西伐必悉其精銳東守瞿塘北阻金牛以拒我師若出其意外直搗階文門戶既隨腹心自潰兵貴神速但患不勇耳友德受命馳至陝集諸道兵揚言出金牛潛使人覘階文守備單弱引兵出陳倉攀緣

山谷晝夜兼行直抵階州守將丁世瑀率衆拒戰擊走之克階州遂趨文州蜀人斷白龍江橋以阻我師友德督兵脩橋以渡破五里關拔文州渡青州果陽白水江蜀人望風驚遁遣人諭降之引兵趨綿州阻漢江不得渡下令軍中造戰艦百餘艘以濟師欲以軍中消息達湯和而山川懸隔適江水暴漲乃以木牌數千書克階文綿州日月帛投漢江順流而下蜀守者見之咸解體尋拔漢州初夏人聞王師伐蜀命丞相戴壽太尉吳友仁等悉衆守瞿塘及聞友德破階

文乃分兵還援漢州以保成都未至而友德已逼漢州向大亨悉兵出戰城下擊敗之壽等至友德下令曰彼勞困遠來聞大亨敗衆必洶洶可一戰而禽也乃親督兵迎擊壽壽大敗遂拔其城是時湯和駐兵大溪口未進上引友德冒險克敵功以責之而和亦得木牌於江流遂進師趨夔州友德進圍成都戴壽向大亨等出城拒戰以象載甲士列于陣前友德命以弓矢火器攻之象中矢却走壽兵躡籍死者甚衆友德亦中流矢會湯和遣人報重慶之捷壽等遂

無闕志乃籍府庫倉廩以降得士馬三萬分兵徇下州縣之未附者克保寧執吳友仁械送京師蜀地悉平師還論功詔曰穎川侯傅友德冒越險阻首克階文破綿漢成都保寧諸郡功最大賞白金二百五十兩文綺二十表裏御製平蜀文以旌之五年副征西將軍馮勝北征沙漠敗失刺罕于西涼至永昌敗朵兒只巴獲馬羊十餘萬攻甘肅射死平章不花降太尉瑣納兒等獲馬萬疋六年大軍復出馮門西北巡長城外友德為前鋒虜遠遁追獲平章鄧宇羅

帖木兒軍還留鎮北平。上疏陳五事。一轉輸宜令河間軍自長蘆運至通州。北平軍自通州運入城。永平民陸運至北平。道頗遠。宜通清河。水故道。二流。民越境為邊患。宜招輯寬其賦役。優免三年。則民皆安居矣。三古北口等處兵民一夫守關。二夫供輸。有名無實。宜放還民。夫使力田。令官軍中人代守。責專則邊戍寧矣。四關外新附之民甚貧。宜給以衣糧。厚恤之。則戶口日增。五北平府縣連年供億。大軍宜少紓其力。上嘉納之。召還從皇太子諸王。講武荆山下。九

年。屯兵延安。以備伯顏帖木兒。設伏大破之。俘獲無算。其麾下縛伯顏帖木兒以降。上將平雲南。命友德巡行川蜀。永寧推播等處脩城郭。治關梁。於是金筑普定諸山寨首長相率來降。還京獻馬五百。上選內厩良馬十五賜之。十四年。同大將軍出塞討元。平章乃兒不花等渡北黃河。虜騎駭遁。友德選輕騎夜襲灰山。克之。九月。拜征南將軍。藍玉沐英副之。統兵三十萬征雲南。上諭之曰。雲南僻在遐荒。行師之際。當知其山川形勢。以規進取。朕嘗覽輿圖。咨詢

于衆得其阨塞取之之計當自永寧先遣驍將
別率一軍以向烏撒大軍自辰沅以入普定分
據要害乃進兵曲靖雲南之喉襟彼必併力於
此以拒我師審察形勢出奇取勝正在於此既
下曲靖三將軍以一人提勁兵趨烏撒應永寧
之師大軍直搗雲南彼此牽制疲於奔命破之
必矣雲南既克宜分兵徑趨大理先聲已振勢
將瓦解其餘部落可遣人招諭不煩兵也師行
上出餞於龍江友德至湖廣分遣都督胡海洋
等率兵五萬由永寧趨烏撒大軍由辰沅趨貴

州攻普定普安下之進取曲靖梁王把匝刺瓦
爾密遣平章達里麻將精兵十餘萬以拒我師
友德用沐英計倍道疾趨未至曲靖數里忽大
霧冒霧至白石江頃之霧霽虜見之大驚我師
陽欲渡江而潛遣數十人從下流以渡出其後
遍樹旗幟金鼓忽震達里麻急撤軍以禦而我
師畢濟矣既陣友德麾兵大戰矢石齊發呼聲
動天地縱鐵騎擣之虜大敗生禽達里麻俘其
衆萬計悉縱之使歸本業遂平曲靖友德自將
兵擊烏撒城之分遣副將軍下雲南梁王走死

通畢節克可渡河於是東川烏蒙芒部諸蠻皆震讐降附進克大理禽土酋段世分兵略下鶴慶麗江金齒車里平緬皆降烏撒蠻復叛討破之斬首三萬餘級獲馬牛羊數萬復遣兵搜捕蠻黨之未服者殺之霽翠款附蠻地悉平上數遣使者勅諭勞友德十六年上命長興侯耿炳文往諭友德等班師且曰遲速之期宜自審度友德乃因其土俗定賦稅廣屯田興學校創設諸司大小相維犬牙相制邊境以寧十七年凱還上深慰勞之進封穎國公十九年

再征雲南二十二年復統番漢軍討曲靖普安等處蠻平之二十三年征沙漠至迤都山禽乃兒不花復征西路寧夏二十四年北征追故元遼王方進兵遽下令班師虜信之少懈趣師深入掩襲虜衆而還

袁袞曰明興猛將雲從數倍雲臺凌烟而六王最著其以驍勇稱者莫如常開平次則傅穎國耳觀其下蜀掃滇踰險隘涉荒遠席卷颯馳譬之良駿超軼絕塵而造父為御奮迅騰驟一日千里其用兵方略悉稟廟算是豈泛駕者

哉

廖永忠

廖永忠者巢縣人楚國公永安之弟也乙未永安與俞通海等以舟師迎高皇帝於巢湖永忠年甚少高皇帝曰汝亦欲圖富貴乎永忠對曰得事明主効展尺寸掃除寇亂垂功名於竹帛是所願也上大悅即以水軍屬永安而永忠副之從渡江定金陵取鎮江常州池州及江陰宜興累戰皆先登有功戊戌永安陷于張軍永忠代總其兵授樞密僉院己亥攻破雙刀

趙普勝克復樅陽庚子同張德勝等大敗陳友諒於龍江陞同知樞密院事辛丑從上伐友諒攻安慶破其水寨長驅入江州分兵攻下瑞州臨吉諸郡壬寅從取南昌癸卯攻廬州未下而友諒圍南昌甚急七月從上討友諒於彭蠡丁亥遇之康郎山戊子大戰徐達敗其前鋒永忠與俞通海等縱火焚賊舟而賊之驍將張定邊者直前犯上舟常遇春射走之永忠即以飛舸追定邊定邊走身中百餘矢士卒多死傷日暮收軍己丑復大戰以七舟載葦荻乘風

縱火焚賊數百艘烟焰漲天湖水盡赤。又明日
庚寅永忠通海等以六舟深入搏戰賊聯大艦
以拒我師望六舟無所見意已陷沒頃之六舟
旋繞敵船而出勢若游龍我師見之勇氣百倍
合戰益力呼聲動天地湖水為之起立賊大敗
相持者逾月友諒移軍湖口欲遁走永忠督諸
軍橫截湖面邀其歸路友諒敗死 上還建康
論功賜永忠田以硃牌鏤金字八日功超群將
智邁雄師賜之甲褱武昌平以功陞湖廣行省
左丞從攻廬州克之救安豐取江西未下州郡

乙巳與徐達等攻下秦州丙午克高郵淮安從
伐張士誠吳元年以平吳功進中書平章政事
十一月拜征南副將軍會湯和討方谷珍降之
遂自明州出海道取福州洪武元年以平章兼
同知詹事院事攻破延平禽陳友定閩地悉平
二月拜征南將軍同朱亮祖由海道取廣東遣
人以書諭降元丞相何真潮廣循惠悉附攻破
偽參政邵宗愚山寨諸郡皆下九真日南朱崖
儋耳三十餘城皆傳檄而定遂進取廣西六月
師入梧州至九月悉定廣西地二年凱還 上

命皇太子率百官迎於龍濟入見 上撫慰懽
甚復命 皇太子送永安還第賜白金文幣甚
厚三年封德慶侯尋拜征西副將軍同湯和伐
蜀四年克歸州進攻瞿塘以山峻水急蜀人以
鐵索飛橋橫據關口我舟不得進乃密遣壯士
數百人舁小舟踰山度關出其上流人持糗糧
水筒以禦飢渴蜀山多草木令將士皆衣青箬
衣魚貫出崖石間蜀人不覺也度已至夜率精
銳出墨葉渡分兩道一軍攻其陸寨一軍攻其
水寨水軍皆以鐵裹頭船置火器而前比明蜀

人來拒已破其陸寨矣頃之所遣將士舁舟出
上流者一時俱發揚旗鼓譟而下蜀人出不意
大駭而下流之師亦擁舟前進發火砲火筒夾
擊之賊大敗走焚三橋斷其橫江鐵索禽斬無
算永忠入夔府明日湯和兵亦至分道並進和
率步騎而永忠率舟師乘勝抵重慶次銅鑼峽
明昇遣使納款永忠以湯和未至不受和至明
昇面縛啣壁出降和受壁永忠解縛承制撫慰
下令禁侵掠遣使獻俘京師蜀地平凱還論功
詔曰德慶侯廖永忠破瞿塘下重慶功最大賞

白金文綺賜第京師。洪武八年卒。初捷聞。上親製平蜀文第其功。曰傳一廖二復命劉基作平蜀頌以旌之。

袁袞曰：德慶侯兄弟皆以鷹揚之才。遭逐鹿之會。從龍渡江。首基王業。而楚公獨困于豫。且惜哉。方彭蠡之戰也。流血為湖。僵屍成丘。而赤忠以六舟搏其千艘。出沒洪濤。輕捷若飛。矢石雨下。而意氣彌厲。竟翦脩鯨。功冠諸將。雖周瑜之赤壁。謝玄之淮淝。曾不足數。功亦奇矣。滅吳掃閩。席卷五嶺。及破瞿塘。擣重慶。智勇俱奮。功

齊穎國。非至驍俊。疇克爾哉。昔渾濬爭功。鍾鄧構孽。名隕身隕。為世大笑。而德慶以湯公未至。不受壁降。從容推讓。有足多者。跡其勲伐。豈下六玉。竟以小青。靳上公之賞。信哉。成功之難居也。

王禕

王禕字子克金華義烏人也大父炎澤夢五色

芝產門楬而生禕長身山立有偉度師事黃潛

與宋濂齊名弱冠游元都上萬言書不報臨川

危素太原郝遠者圖等交薦之有齊琦者善康

節數推言天人興衰甚有驗見禕歎曰公異代

人物也禕知元室將亂走歸隱青岩山中高

皇帝下金華遣使徵禕謁見行在所署中書省

掾參與機務甚見禮敬語必稱子克而不名數

於上前論文章上輒稱善因命采故實為

四言詩以授 皇太子 上親征江西禘進平
江西頌 上覽而喜曰吾固知浙東有二儒者
鄉與采瀛耳學問之博鄉不如瀛才思之雄瀛
不如鄉授江南儒學提舉司按理除侍禮郎兼
引進使遷起居注陞同知南康府事撫荒殘招
流散民稍稍復業 上聞特賜黃金帶以寵勞
之洪武元年召還議禮不合出判漳州上疏言
祈天永命之道在脩德而已脩德之要莫先於
法天道順人心願寬刑威減賦稅以固國本
上嘉納之二年詔脩元史召禘與宋瀛總裁其

事書成拜翰林待制同知制誥兼國史院編脩
官預教大本堂出使吐蕃尋召還五年 上以
天下一統惟雲南弗臣命 禘持詔往諭焉衆
謂雲南險遠禘文學禁近之臣不宜遠蹈不測
禘慷慨即日就道既至見梁王君臣諭之曰
皇上聖武天與人歸作君萬邦惟爾有衆僻在
西南久阻聲教故遣使者諭意今能祇若明命
亟奉版圖歸職方則尺地一民按堵如故高爵
厚祿身名俱全柰何欲以一隅抗中國哉不聽
館禘于別室數日復諭之曰予將命遠來非為

身謀。朝廷以雲南百萬生靈，不欲遽加鋒刃。耳且爾獨不聞乎？元綱解紐，陳友諒據荆湘，張士誠據吳會，陳友定據閩明，王瑄據蜀，天兵四征，不四五年，率膏鈇鉞，惟爾元君北走，以死擴廓帖木兒之屬，或降或竄，曾無用武之地。不煩一刃而天下大定，是故先服者賞，後者僇。及宗弼，今自料勇悍強獷，孰與陳張土地甲兵，孰與中國，度德壽義，孰與天朝，推亡固存，孰與天命，天之所廢，誰能興之？不然，皇上命將龍驤百萬，會戰於昆池，爾如魚游釜中，不亡何待？梁

王君臣相顧駭服，已有降意，乃改館而加禮焉。未幾，元之遺孽有自立朔漠者，遣使脫脫徵糧餉于雲南，且欲連兵以拒王師。知梁王持二心，因以危言迫梁王。梁王兩可未決，命達里麻匿禕于民間，脫脫知之，愈責誚梁王，不得已出禕見之，脫脫欲以威屈禕。禕罵曰：「天訖汝元命，我朝實代之。汝如燬火餘燼，尚欲與日月爭光邪？」我天子使，豈為汝屈有死而已。顧謂梁王曰：「汝朝殺我，大兵夕至矣。」遂被害。時六年季冬之月二十四日也。八年，上復命刑部尚書吳雲

諭雲南而梁王使其鐵知院等二十餘人使漢北為王師所獲械送京師上釋而歸之令與雲俱至雲南之沙塘口鐵知院等謀曰吾屬奉使不遠中道被執而還罪必不免乃說雲改易制書共紿梁王雲不從欲殺之而梁王亦遣人來劫雲使降命胡服辮髮以見雲屬聲曰朝廷念此一方民不忍加兵特遣使相諭汝不趣降乃欲降天子使邪死即死耳頭可斷髮不可辮也遂死之十四年命征南將軍傅友德等伐雲南生禽建里麻果王走死禕及雲死事始聞

于朝革除間贈禕翰林學士謚文節國朝文臣有謚定自禕始正統間改謚忠文而雲未有卹典

袁袞曰昔李希烈殺顏真卿而王廷湊不殺韓愈夫事固有幸不幸也世多謂子克不即死又從匿民間嗟乎是豈知子克者哉夫死有重於泰山有輕於鴻毛自經溝瀆惡足稱哉甚矣君子之重其死也蘇子卿操節匈奴一十九年豈惜死哉誠悲夫死之不可復生也是故子卿退之之不死魯公子克之死一也要之不辱君命

自靖其志而已矣。流俗人惡知死哉。

王紳字仲縉，禘仲子也。警敏絕人，貫穿經史。百家言為文，縱橫出入，數千言可立就。宋濂見而竒之，曰：王華川其有後乎！一時材俊皆遜服。性至孝，居母何夫人喪，哀毀踰禮。洪武二十五年，蜀獻王聞其賢，以書幣聘之，教授蜀郡。請于王，走雲南求禕遺骸，不獲，即死。所祭馬仰天號慟，幾絕。過者為之泣下。述滇南慟哭記以志其痛。還蜀，王慰勞備至，蜀人無貴賤咸愛敬之。建文君即位，言官交薦，召為國子博士，遂入訶。

垣編摩

高皇帝實錄嘗以禘死事聞于朝，得

贈諡。庚辰冬卒于官，所著有繼志齋集三十卷。

子稔有文行，頗有祖父風。

孫炎

孫炎字伯融，金陵句容人也。身長六尺餘，面黑如鐵，一足偏跛。博學雄辨，有口善詩歌。下筆一掃百紙，好飲酒，所交皆豪俠。炎負氣，蔑視章句儒，衆中常自許，曰：孫炎豈齷齪輩伍耶！高皇帝既下金陵，開省江南，聞炎名，召見。炎陳胡運將終，宜延攬智能士以圖大業。上大喜，論事。

慷慨所謀多當。上意從下。浙東擢同知池州府事。改池州為華陽府。即拜炎知府事。甚有聲。召為省都事。會處州降。乃命耿再成守之。而以炎為總制。錢穀兵馬悉委之。不取中報。且以省符未署者付之。聽得自辟署。炎匹馬入處州。時城外皆賊營。不奉官府約束。炎坐廳事。召城中人踞階下。諭以元將亡及上起兵意。爾等皆良民奉法。則生否。必為糞粉。語極剴切。城中人皆叩頭流血。誓不敢有二心。退則轉相告其鄉民。謂孫使君仁且武。非前太守比。炎復下檄。旁

縣徧諭之。由是投戈降者踵接于門。數月。賊皆化為良民。炎乃擇其驍勇者練為兵。而以眾所推服者長之。賊至即率以殺賊。事罷。散歸為農。有警馳一符召之。立至。莫敢後。奸吏豪族畏之如神。雖在數百里外。斂手吐舌。如親臨其家。處人皆謂得孫使君晚。時上方寤寐豪傑。而秀民有才能者。見方戰爭。皆竄匿山谷中。不肯出。炎訪問得其姓名。為書以招之。而青田劉基最有名。自以嘗仕元。耻事二姓。使者再往。迄不起。以寶劍一奉炎。炎賦詩報之。以為劍當獻之天子。

我人臣不敢私用封還之。且為書數千言開陳
天命人事以諭劉無以答也。居亡何就見炎炎
置酒高會。縱論古今成敗。如傾河決峽。豐豐可
聽。劉乃深嘆服曰。基始自謂勝公。今聽公論議
基何敢望也。炎以口舌安反側郡。上方征伐
無一兵與炎。苗將賀仁德李祐之叛。龍襲炎而炎
所練卒反應賊。炎被禽幽空室中。列卒環守。脅
炎降。炎給之曰。若生吾。吾能成若事。賊知炎非
本意。恐自遺患。乃夜以燔雁斗酒饋炎。曰。以此
與公訣。炎拔佩刀割鴈啖之。舉卮酒引滿仰天

嘆曰。嗟乎。丈夫乃為鼠輩禽邪。然我死死義爾。
賊死肉臭。狗且不爾食。卒怒持劍瞋目叱炎。上
飲酒自如。卒令解衣。炎大罵曰。賊狗奴。此紫綺
裘。乃主上賜我者。賊勿解我。當服此裘以死。
賊遂殺炎。而守將耿再成方與客飲。聞苗軍反。
即上馬收戰。卒不滿二十人。迎賊罵曰。俘虜奴。
國何負於汝。汝反耶。趣解甲降。不降。吾斬汝萬
段。汝謂吾劍不利邪。賊怒欲刺。再成再成。運劍
奮鬪。連斷賊數槩。賊躍而前。槩中再成頸。再成
遂墮馬。大罵不絕口而死。再成死。炎無援。故及

我人臣不敢私用封還之。且為書數千言。開陳
天命人事以諭劉。無以答也。居亡何就見炎炎。
置酒高會。縱論古今成敗。如傾河決峽。疊疊可
聽。劉乃深嘆服曰。基始自謂勝公。今聽公論議。
基何敢望也。炎以口舌安反側郡。上方征伐。
無一兵與炎。苗將賀仁德李祐之叛。襲炎而炎
所練卒反應賊。炎被禽幽空室中。列卒環守脅
炎降。炎給之曰。若生吾。吾能成若事。賊知炎非
本意。恐自遺患。乃夜以燭雁斗酒饋炎。曰。以此
與公訣。炎拔佩刀割鴈啖之。舉卮酒引滿仰天

割

嘆曰。嗟乎。丈夫乃為鼠輩禽邪。然我死死義爾。
賊死肉臭。狗且不尔食。卒怒持劍瞋目叱炎。上
飲酒自如。卒令解衣。炎大罵曰。賊狗奴。此紫綺
裘。乃主上賜我者。賊勿解。我當服此裘以死。
賊遂殺炎。而守將耿再成方與客飲。聞苗軍反。
即上馬收戰。卒不滿二十人。迎賊罵曰。俘虜奴。
國何負於汝。汝反耶。趣解甲降。不降。吾斬汝萬
段。汝謂吾劍不利邪。賊怒欲刺。再成再成。運劍
奮闖。連斷賊數槩。賊躍而前。槩中再成頸。再成
遂墮馬。大罵不絕口而死。再成死。炎無援。故及

於難 高皇帝既即位追封再成為高陽郡公
炎丹陽縣男建廟處州歲時祀之炎妻王氏初
王師入金陵不屈死

袁袞曰余讀宋承旨所撰孫公墓銘竊悲炎有
烈士之風而死於賊手 國初死忠者如王禕
之使滇希烈之真鄉也花雲之守姑孰祿山之
杲鄉也韓成之誑楚沛公之紀信也張子明之
偽盟晉人之解揚也而胡越國之死金華孫耿
之死括蒼其事與唐張鎬李絳頗相類要之皆
能處死者世以成敗幸不幸論人惡足以知烈

丈夫哉

胡大海

胡大海字通甫泗之虹縣人也 高皇帝駐兵

滁陽杖策謁軍門一見語合意遂居前鋒從克

和州渡江拔采石太平克金陵與徐達等攻下

京口毘陵皆先登授右翼統軍元帥宿衛帳下

從破宣城副鄧愈戍守取績溪進攻徽州拔之

元將楊完者率衆十萬取臨安而命鎮撫李才

攻圍徽州大海自婺源兼程以進橫槊大呼斬

李才禽其將呂旺呂昇賊衆敗走克嚴州遷樞

密院判大海與諸將議曰蘭谿密邇嚴州蘭谿
下則發之右臂斷矣引兵攻下之從 上取婺
州陞僉行樞密院事攻下諸暨州而張士誠復
遣呂瑄圍諸暨堰水以灌城大海馳救奪堰水
灌瑄瑄勢蹙乃於馬上折矢誓求解兵大海許
之都事王愷曰賊狡滑難信不如擊之可大勝
也大海曰彼若再來吾當取之言出而背之不
信既縱而擊之不武遂引還人服其威信取衢
州遂攻慶州克之陳友諒寇龍江 上命大海
出兵擣信州以牽制之乃率師攻破信州時信

方絕糧衆請還師大海曰信闔楚之襟喉也柰
何棄之乃繕城浚隍為堅守計 上以婺為浙
東大藩通甌引越非得重臣以守之不可乃授
大海江南等處行中書省參知政事守金華苗
將蔣英劉震等謀叛率衆入省署陽請大海觀
弩入詠樓下遂遇害併殺郎中王愷婺人莫不
流涕 上聞之震悼為文以祭命配享晉卞壺
廟追封越國公謚武莊
袁袞曰 國初死事者多矣而惟胡越公最著
聞 高皇帝之初下金陵也彊字未廣首取浙

東金處固要害地也。專城之責付之胡狀。禍發肘腋。雖乏先幾之智。然皆伏節以死。不旋踵而逆賊灰滅。後之人欲觀順逆者。可以鑒矣。

花雲

花雲者懷遠人也。少孤。隨母嫁張氏。體長大。面黑如鐵。驍勇絕倫。癸巳歲。謁高皇帝於滁陽。竒其才勇。使將兵略地。所向輒克。破懷遠城。虜其帥。以歸。攻全椒。拔之。上將取滁州。雲率騎前驅。猝遇賊數千人。遮道。顧後騎未至。欲退走。不可。雲獨提劍躍馬衛上。橫衝賊陣而出。賊

驚曰。此黑將軍。勇甚。不可與爭鋒。後騎至。遂克滁。從取和州。得兵三百人。以功授管勾。渡江先登。克米石。取太平。上以雲重厚可託。因命宿衛。常在左右。從克金陵。得兵千人。陞總管。徇下鎮江。丹陽。舟徒金壇。諸縣。過馬馱沙。虜賊數百人。邀戰。雲且行且鬪。三日。夜悉禽。殺之。授前部先鋒。判行樞密院。克常熟。得兵萬人。命雲將之。拔常州。守守塘。管領兵三千人。趨寧國。時群盜蟠結。所在梗塞。雲操戈前行。遇賊輒鬪。斬首數千。而身未嘗被一創。中一矢。出入搏奔。泥淖中。

凡八月始達寧國尋命守太平陳友諒以舟師
入寇圍太平雲率麾下三千人迎戰相持者三
日友諒不得入乃引大舟泊城西南軍皆緣舟
尾攀堞而上城中之食而雲士馬俱備城遂陷
賊縛雲急雲怒罵曰賊奴爾縛我我主必滅爾
斬爾為膾也遂奮躍大罵縛盡解奪賊刀格殺
五六人復罵曰賊奴非我主敵也曷不趣降賊
怒碎雲首縛之舟檣衆射之雲至死罵不絕口
知府許瑗院判王鼎皆被執不屈而死吳元年
上追悼雲封東丘郡侯瑗高陽郡侯鼎太原郡

侯立祠太平命有司歲時祀之方雲與賊戰甚
急妻郤氏抱其所生三歲兒拜家廟泣謂家人
曰今城且破吾夫忠義人必以身死之夫死吾
必不獨生然花氏獨此一兒若等幸善視之聞
雲就禽即赴水死侍兒孫氏收郤氏屍瘞之遂
抱兒走匿為陳軍所虜至九江軍中惡小兒啼
數欲棄之水孫氏乃潛以簪珥屬漁媪養之王
師伐漢漢敗孫氏脫身至漁家視兒問漁人出
竊負而走宿陶穴中明日僦舟渡江遇陳軍敗
還爭舟梓孫氏及兒投之江方出沒波中有斷

木自上派浮來附之入蘆中採蓮實啗兒凡七日不死忽夜半聞人語聲呼之則一老父也問其姓名曰我雷老也告之故偕行達上所上聞雲有兒即召見孫氏涕泣抱雲兒再拜上亦泣數行下抱雲兒坐膝上曰此花雲兒將種也命賜老父衣老父已不見追之無所得衆以為神雲兒八歲入侍皇太子就學年十三授虎賁後衛副千戶陞水軍左衛指揮僉事名煒

袁泰曰予嘗讀故少師李公東陽花將軍歌乃

知花將軍死事及其妾存孤始末輒流涕不忍讀及覽尹直揚廉林塾諸家所纂述乃不為雲立傳豈以雲官不顯邪夫以雲之材勇使不死封侯豈足道哉以新造之孤城當方張之勦虜疲兵三千抗數十萬虎狼之衆城破身縛罵不絕口慷慨激烈有張睢陽顏常山之風視倉卒死鋒鏑者殊不侔矣乃獨不得與胡越國公等何邪予嘗考國初死忠節者惟花雲最烈而王禕孫炎次之乃據定遠黃金所述為雲立傳至其妻之死夫妾之存孤事皆卓異有足書者

因備列焉

廖永安

廖永安字彥敬廬州巢縣人也與俞通海等屯巢湖為水寨左君弼據廬永安等數為所窘乙未聞高皇帝駐和陽遣人納款且乞援高皇帝大喜親馳赴之永安與弟永忠及諸將奉迎登舟出湖口攻敗元中丞蠻子海牙水軍從還和陽六月朔從渡江時西北風順舳舻齊發永安舉帆前導須臾及牛渚守者大駭諸軍奮擊之遂拔采石乘勝取太平授總管克蕪湖大

破海牙軍俘獲萬計禽陳兆先從攻集慶克之拜昭武大將軍統軍元帥與徐達等攻克鎮江毘陵以功陞同僉行樞密院事宿衛帳下克池州樅陽奪馬馱沙陞同知樞密院事再破張軍于福山港及狼山與徐達等攻復且興轉戰太湖孤軍深入為士誠將呂珍所獲士誠欲降之永安不屈遂拘囚之丙午七月丁未卒于姑蘇追封楚國公謚武閔改封鄖國公

袁袞曰初高皇帝駐和陽欲渡江而無舟賴永安諸將以舟師迎附得渡江定基金陵實

皇業所由始厥功不細矣永安雖幽囚而死不
究厥成其節義足稱云

濮真

濮真鳳陽人也。以忠勇受知。高皇帝從渡江
定金陵。破吳楚。北定中原。皆與有功。由副元帥
擢西涼衛指揮。陞都督僉事。洪武初。征高麗。兵
敗。被執。高麗王詰之曰。汝無故加兵于我。亦有
說乎。真曰。天子神聖。撫有華夷。莫敢不來。王
惟爾國叛服不常。天子不忍。即加征伐。數遣
使諭意。爾不奉若明命。始遣將聲討。豈為無故。

爾能悔過。效順。庶幾轉禍為福。虜愛真驍勇。徐
曰。吾欲用爾為將。亦不失富貴。何如其厲色曰。
我天朝大臣。視爾猶下風。敢以此望我邪。虜
怒。欲兵之。真大罵曰。夷虜爾殺我。我主必滅
爾國。爾不知我大丈夫。有赤心。邪。即拔所佩刀
剖心以示之。而死。虜大懼。遣人詣闕。下謝罪。併
歸真。從行兵士。上嘉真忠節。追封為樂浪公。
子璵。甫生。數月。即襁褓中。封西涼侯。幼趨朝。為
多士。蹋傷。毋夫人以聞。上命御用監鑄一王
字牌。懸其冠。上每朝。俾人知避焉。

袁袞曰死生亦大矣。以李陵之勇壯而偷生降虜。隳其家聲。他尚何責哉。夫身為大將而拜官島夷。其何耻如之。此滌公之所以剖心而不顧也。一死而夷虜失色。使國勢重於九鼎。真烈士夫哉。

韓成

韓成。虹縣人也。壬辰。從高皇帝起兵。闔徐泗間。破諸山寨。甲午。克滁州。授鎮撫。守禦乙未。從渡江。進克金陵。下京口。陞元帥。守禦金壇。從攻常州。解牛塘之圍。丁酉。常州平。賞銀碗良馬。取

揚州。戊戌。從下婺州。復池陽。敗陳友諒於龍江。及取江州。南昌。皆與有功。癸卯。陞帳前總制。親兵左副指揮使。專侍宿衛。四月。陳友諒率師六十萬。以圍南昌。七月。從上親征。大戰鄱陽湖。自戊子至庚寅。三勝之。復鏖戰良久。賊悉衆合圍。數重。矢石雨下。一時諸將計無所出。上方設音。成進曰。臣聞古之人。有殺身以成仁者。臣不敢辭也。遂賜成龍袞冠冕。與上服。同對賊。換水中死。陳軍皆呼萬歲。遂解圍。御舟乘間得脫。竟殲友諒。封高陽郡侯。建祠康郎山。設像。

祀之成位第一子觀累官都督同知洪武中數
討破廣西諸蠻寇及征五開有功革除末年掛
征南將軍印江西操練軍馬尋鎮守廣西永樂
九年征交趾既平留觀鎮守十二年卒
袁泰曰彭蠡之戰諸將死行間者甚衆廟祀康
郎山者凡三十六人而韓成功第一其事與紀
信誑楚絕相類余至廣西廣西人猶能談觀威
略徃獯皆畏之如神與山雲齊名嗚呼安得若
人者電掃諸蠻以奠百粵邪
張子明于光

張子明者不知何許人國初以千戶從守洪都
歲癸卯四月陳友諒悉發國中兵號六十萬圍
洪都親督兵晝夜攻城期必拔守將大都督朱
文正等嬰城固守被圍者八十五日六月文正
遣子明告急於建康子明取東湖小漁舟夜從
水關潛出越石頭口夜行晝伏半月始達建康
上問友諒兵勢何如子明對曰友諒兵雖多而
戰鬪死者亦不少今江水日涸賊之巨艦將不
利用老師食少方轉漕武昌若援兵至可必破
也上曰汝歸語文正為我堅守一月吾當自取

之不足慮也。子明還至湖口，為陳軍所執。友諒曰：「若能誘城降，非但不死，且得富貴。」子明偽許之。至城下，大呼曰：「大軍百萬至矣，固守以待。」友諒怒，殺之。後封忠節侯，廟祀洪都。

于光，字大用，南康都昌人也。元末，從徐壽輝。署江東宣慰元帥，鎮鄱陽。陳友諒既弑，壽輝光謂其麾下曰：「我不殺友諒，可事之乎？」庚子，以饒州來附。高皇帝命鄧愈往鎮之。光佐焉，以功拜江西行省參政，尋授行樞密院判。改戍徽州，召還解金連環，并繚賜之。光頓首謝曰：「臣蒙厚恩，

敢不效死。」辛丑，從上親征友諒，取安慶、江州。壬寅，從下南昌。癸卯，從破友諒於彭蠡，轉振武衛指揮。同知甲辰，從平武昌。陞鷹揚衛指揮使。乙巳，取淮東諸郡。吳元年，禽張士誠，皆與有功。洪武元年，與大將軍徐達等北伐，下山東、河南諸郡，拔潼關，承制以光戍守其地。大敗元兵。二年，移鎮鞏昌。王保保屢引兵來寇，輒擊走之。保保復移軍圍張溫于蘭州，光馳救之。遇賊于馬蘭灘，戰敗，被執。至蘭州城下，使呼張將軍出降。光大呼曰：「我不幸被執，公等堅守。」大將軍總百

萬師至矣。賊怒批其額而死。
袁袞曰：余過豫章謁忠臣廟，凡十四人，而子明
位第八。及攷其死，獨子明事最奇。方其肩重圍，
出百死以走金陵。晝伏夜行，竟致其命。斯可謂
忠且智矣。身雖被執以死，而大呼不屈，城守益
堅。卒完孤城以殲大賊。解揚劉感，何以加諸子
光事，頗略相類，故以附焉。

宋訥

宋訥字仲敏，大名滑縣人也。元至正間舉進士，
授鹽山縣知縣。洪武十三年，徵詣公車，除國子
監助教。應制撰諸勅文，操筆立就，稱旨，超拜
翰林院學士。遷文淵閣大學士，日見親信。太學
成，擢祭酒。師道尊嚴，諸生畏且愛之。乙丑、戊辰
兩科取士，多出太學，而魁選尤多。大被賞遇，訥
嘗有疾，上遣中使致諭，略曰：卿稟純誠，病必
速差。且命畫工繪象以肖焉。上覽之，甚喜。然
終老之召，其子望江主簿麟侍養京師，居常寢。

食恒在廂房不宿于家疾革乃歸卒于私第年八十。上親為文以祭官其次子復祖為司業。袁泰曰董生有言養士莫大乎太學太學者賢材之關而風化之本也。高皇帝初建成均首得宋公為師其教人先躬行而後口說故士皆務實國初人材多質直朴醇足以適用何則身教行而師道立也。諺曰桃李不言下自成蹊惡在其多言哉。

朱善

朱善字備萬江西豐城人也十歲能文通四書

五經大義元末隱居纂述所著有詩經解頤詩經輯釋史輯等書事繼母李氏甚孝避兵扶母窟匿者十餘日竟兩全。高皇帝既定天下開設學校而豐城仍舊為富州州守張憲中請為訓導南昌守許方以名聞于朝授郡教授。洪武八年徵赴京廷試第一除翰林院脩撰署院事無知制誥逾年以家屬不完請教遼東著遼海集未至遼賜還鄉十七年召授翰林待詔十八年奉旨校文禮闈授文淵閣大學士以疾告歸卒之前夕有星如虹墜于所居鄉人

咸謂文星墜云。

袁袞曰朱公雖純嘿以明經薦陟館閣不為不遇矣。

劉崧

劉崧字子高江西泰和人也初名楚元季舉于鄉國初更名崧以經明行脩薦高皇帝召見奉天殿授兵部職方郎中歷署駕部總部事奉命徵糧鎮江鎮江多公侯土田崧歸奏之有旨分官民田尋命往廣東買馬及點視山東驛遞相視萊州遭風海船皆稱職遷北平按察司

副使政有聲績徵拜禮部侍郎嘗奉勅撰勳臣神道碑銘及封誥宋濂見其文嘆曰此今之司馬子長也進攝吏部尚書踰月以災異免徵拜國子司業賜鞍馬令朝夕見見必燕語移時未幾以疾卒于京師崧性廉慎所居屋壞半以茅覆之曰今後世師吾儉家有田五十畝乃後居官弗增也一布被十餘年為鼠所傷始命更置仍補其鼠傷者以衣其子赴北平時始盡支職方俸得白金九十兩封識之以託其鄉人及歸取之則其人已悉用之矣崧不復問所著有

職方詩集行于世

袁宏曰劉子高之清近世所未見也其權吏部也
也不逾月而免功業不概見惜哉今之世得如
崧者以司銓貪濁之風或少衰矣乎

董倫

董倫字安常東昌恩縣人也世居燕之宛平元
末徵辟不出洪武十五年單縣張寧以倫薦徵
為春坊贊善大夫賜冠帶事 懿文皇帝太子其
所陳說多忠厚之言 高皇帝聞而善之十八
年陞春坊大學士會東宮晏駕二十五年出為

河南左叅議在任盡心民事名其退食之堂曰
後樂方孝孺為之記掌草封事数千言悉當
上意二十六年上書薦肇州吏目諸葛伯衡擢

為陝西右叅議三十年以註誤坐免謫教滇南

皇太孫憐而老之賜白金若干鎰倫至成都

蜀獻王深加禮敬留連弥月賦詩八章以送之

至滇用夏變夷士皆嚮方 建文君即位眷念

舊學屢問倫左右多言倫可用召拜禮部侍郎

兼翰林院學士與方孝孺入內閣侍經筵是年

秋御書怡老堂三大字及髹几玉鳩杖各一以

賜倫上表稱謝庚辰會試與太常少卿高遜志
為考試官精於去取得名士胡廣吳溥揚子榮
楊溥胡濙輩號得人焉解縉之謫河州也與倫
書祈哀倫言之于上召還以縉為翰林待詔
其拳拳汲引類此倫質直敦厚有文學為時所
重濟時匡君之念老而益篤革除年間卒
袁袞曰昔魏徵言願為良臣不願為忠臣有以
哉董公以甘盤之舊建文中復赴宣室之召從
容清禁壽考令終不與黃齊之難將不得為良
臣乎哉

陳瓘

陳瓘字同故江西廬陵人也少讀書元季知天
下將亂棄去習兵法環所居皆良田改築場樹
木人莫測其意數年樹成列四方盜賊起遂募
義勇屯其中保障一鄉賴以安堵七年陳友諒
將熊天瑞強致瓘與俱至九江瓘知陳氏無能
為去之甲辰高皇帝克武昌瓘因弘文館學
士羅復仁謁軍門陳救亂安民之策悉見聽納
擢湖廣行省左右司員外郎改左司都事遷郎
中陞大都督府經歷大將軍徐達北征瓘贊軍

事既克泰州留瓘督築城之後尋命總制真州
軍事丙午除寧國知府首興學育才問民所疾
苦除之禁弁無數欺隱所創戶帖命布之天下
宣城民田濱江者歲患水加築隄防伐石作水
門以時蓄洩諸邑歲租率書虛籍無入官廩者
或請治典守者罪瓘曰此特循故弊耳非始作
姦也乃颺言曰吾以某日行視使得為計及期
諸邑廩皆實有強盜劫麥舟坐死者四十八人
瓘曰此皆愚民因舟漂抵岸而挺引取之耳非
素有合謀安得論死至四十八人邪乃坐先取
者一人餘減死論奉命督餉北平還京師臺省
爭薦之瓘固辭歸召赴京道病卒
袁袞曰瓘有文武材雖早死不究所用然其才
亦概見矣寧國人今猶稱之



